



## SIARAN MEDIA

### PROGRAM BANTU DI RUMAH DAMPINGI WARGA EMAS, OKU

SABAK BERNAM, 5 Jun- Kementerian Pembangunan Wanita, Keluarga dan Masyarakat (KPWKM) terus komited untuk memberi khidmat sokongan kepada kumpulan sasar menerusi program Homehelp terutama bagi mereka yang tinggal berseorangan atau tinggal bersama keluarga tetap yang memerlukan khidmat nasihat serta pertolongan penjagaan.

Menterinya, Dato Sri Rohani Abdul Karim, turun padang melawat klien penerima bantuan Jabatan Kebajikan Masyarakat di sini, hari ini. Kunjungan mesra ini bertujuan mendekati kumpulan sasar dan masyarakat setempat terutamanya bagi mendengar keluh kesah dan prihatin terhadap kebajikan mereka.

Kunjungan ke enam buah rumah klien yang terdiri daripada kategori warga emas, Nordin Abdul Rahman,71, Sawiah Abdul Rahman,66, Asmah Haji Kasan, 86, Maimon Sulaiman,107, Mohammad Nor Kassim Sayuti,48, dan Hj Khalid Mohamad,73, bagi kategori OKU terlantar.

Sepanjang kunjungannya, beliau turut memberikan sumbangan berupa makanan, barangan keperluan dan penjagaan diri serta turut bersama membawa Pegawai Perubatan bagi pemeriksaan kesihatan terhadap klien.

Bercakap pada media, Rohani berkata, JKM membuka peluang kepada orang ramai untuk mendaftar sebagai sukarelawan program khidmat bantu di rumah di seluruh negara bagi memberi khidmat mengikut kepakaran mereka dengan skop yang lebih luas.

"Saya berharap program ini dapat membuka mata orang ramai untuk menjadi sukarelawan memberi khidmat kepada kumpulan sasar kita,"katanya lagi.

KPWKM menerusi Jabatan Kebajikan Masyarakat (JKM), telah memperkenalkan Program Khidmat Bantu Di Rumah atau 'Home Help Services' pada 2012 yang digerakkan oleh sukarelawan berdaftar dengan JKM sebagai perkhidmatan pendampingan sosial (social outreach) kepada dua kumpulan sasar iaitu OKU dan warga emas.

Terdahulu beliau turut menziarahi pusara Allahyarham Tan Sri Noriah Kasnon di Tanah Perkuburan Sungai Burong, Tanjung Karang.

Rohani turut berkesempatan bertemu ahli-ahli keluarga arwah yang telah dianggap seperti keluarga sendiri.

\*\*\*

Disediakan oleh:

Unit Komunikasi Korporat  
Kementerian Pembangunan Wanita, Keluarga dan Masyarakat  
Aras 35, No.55, Persiaran Perdana, Presint 4,  
62100 PUTRAJAYA  
No. telefon : 03-8323 1087  
No. faks : 03-8323 2012  
E-mel : info@kpwkm.gov.my